



CHUNGA
KONA
PANPINA

Agongtoh
Watson Goodman

Manber—Joh lou ding

Chunga Kona Panpina

“CHUNGA KONA PANPINA” hi Bible mun tina kona thupi dung juiya Bible chang kilakhoma kigol toh ahi. Pathen Lekhabu (Bible) hilchet phapen chu Bible hi ahijenge ti katah sane.

Pathen Thu hi “chungu kona” hunga ahi chute lungsunga thudih jala gilkel le dangchah ho dia phachom tah ahi. Mihem khat’in kish na neiya chonsetna anungsun teng, Pakai Jesu Christa chu alung sunga cheng dinga atep’a chule Pakai Jesu Christa chu alung pumpia huhhingpa mong ahi tia atahsan tengle Pakai Amatah chu ahenga hung kilanga, atahsan pa lungsunga chu Ama a kipana le lungmonna chu akhum peh ding ahi. Keiman hichu 1937 kuma chu kaneisa ahitan, tuni chanin hiche kilohomna kidang chu kalha kang louhel ahitai. Nangin jong TUHIN Ama chu Pakai le Huhhingpa ahi ti tahsanin lang ahenga kipelut’in tia katem nahi, kipelut nailou nahi leh.

– Watson Goodman (1920-2002)

PATHEN MI-NGAILUT

1

Rome 5:8

Ahin Pathenin eingailut nau photchenna eimusah-un ahi; ajeh iham itile eiho chonset'a ium laitah un Christa eiho khelin athitan ahi.

John 13:1

Kalchuh kut masangin Jesun, hiche vannoiya kona apa henga ache ding phat ahung lhungtai, ti ahen, vannoiya um amaa ho chu angailun akhon ni geiyin angailu lhumkeiye.

Thuphon 1:5

Athu hettosah ginchat umtah Jesu Christa a kon chun lungset le lungmonin umpiuvin. Eiho ei-

ngailua athisana ichonset chengseuva kona eisut lhama.

Jeremiah 31:3

Gamla tah a konin Pakai keima henga ahung kilah-e. Keiman nangma hi guitan louva kalungset nahin, Hiche jeh a chu nangma koma Kakitahna kabanjom jing jeng ahiye.

John 3:16

Ajeh chu Pathenin hibanga hi vannoi angailut ahin, koi hijongle ama tahsan chan chu mangthah louva tonsot hin kemlou anei theina dingin, Achapa chang khat chu apetan ahi.

JESU CHRISTA PATHEN HINA

2

Matthew 1:22, 23

“Pakaiyin themgao kama aseithu, ‘Veuvin, nu ngah chu hung gaiyin tin chapa khat ahin dingahi, chule amin Emmanuel asahdingahi,’ ati. (Hichu Pathenin eiumpiuve, tina ahi)’ tia aseichu gui lhunna dinga thu hicheng chusoh a ahi,” ati.

1 Timothy 3:16

Pathen ngaisahna thuguh chunelkalna beihel’a len a ahi; ‘Ama atahsa a kiphonga, Lhagaova them changa ahitai; Vantil le ho mun aumin, Chitin namtin lah a aseiphonga uma ahitai; Vannoiya tahsana uma ahitan, Loupia lah touva uma ahitai.

John 14:9, 10a

Jesun, “Vo Philip, keima hitih chan nang ho tob kauma jong neihet loulai ham? Keima eimua chun ka-Pa amu ahitai; achutile Pa chu neimusah-un, iti nati ham? Keima Pa a kaum chule Pa jong keiya aum, hiche hi natahsan lou ham?”

John 1:1, 14

Atil’a chu Thu um ahin, Thu chu Pathentoh uma ahi, chule Thu chu Pathen ahi. . . . Chuin Thu chu tahsaphe ahung soh-in ilah-uva ahung chengin, keihon aloupina Pa a kona chapa chang khatseh loupi chu, lungset le thutah dimset’in kamutauve.

JESU CHU PATHEN CHAPA

3

1 John 4:15

Koi hijongle Jesu chu Pathen Chapa ahi, ti janoma seidoh chu Pathen ama a chu uma, ama Pathena uma ahi.

Colossae 2:9

Ajeh chu hichea chu Pathen hina jouse chamkimna tabsa banga cheng ahi.

Isaiah 9:6

Ijeh-inem itile eiho dingin naosen khat apengin, Chapa khat eikipeuve; Alengkouva vaipohna apun, Chule amin jong "Thumop them kidang tab, thanei tab Pathen, Tonsot mipa, chamna leng chapa," akiti.

Matthew 17:5

Aseipettah chun vetau, meibang lhang khat'in amaho chu abinlekhutan ahi. Chuin meilhang lah a kon chun o khat'in, "Hiche hi ka-Chapa deitah ahi, achungah kalung alhai ta ngeiye, athu ngaiyun," ati.

Luke 1:35

Chuin Vantil chun adonbut'in, ajah a, "Lhagao Theng nachungah hung chun tin chule Chungnungpen thilbol thei nan nabinlekhuding ahi, chule hichejeh a chu ahung peng ding atheniga chu Pathen Chapa kiti ding ahi."

JESU KOI AHI AKIPHONNA

4

John 11:25

Jesun amanu jah a, "Keima hi thokitna le hinna kahi; keima eitahsan a chu thi jong le hing ding ahi."

John 13:13

"Nang hon keima 'Houhil le Pakai' neitiuve; hiche natiu chu aphai, ijeh-inem itile keima hichu kahi."

John 9:5

"Vannoiya kaum laisea hi vannoi vah kahi," ati.

John 8:58

Jesun ajah uva, "Keiman nang ho tahbeh beh a kaseipeh nahiuve; keima Abraham masang peh a umsa jing kahi," ati.

John 10:7

Hijeh chun Jesun ajah uva aseikit leuvin, "Keiman nang ho tahbeh beh a kaseipeh nahiuve, Keima hi kelngoi hong kot kahi."

John 6:35

Jesun ajah uva, "Keima hi hinna changlah kahi; kahenga hunnga chu gilkel lou ding, chule keima eitahsana chu dangchahta louhel ding ahi."

John 8:23

Chuin aman amaho jah a, "Nang ho noiya kon nahiuvn, keima chungu kon kahi; nang ho hiche vannoiya mi nahiuvn, keima hiche vannoiya mi kahipoi."

JESUN MELCHIHNA KIDANG ABOL PHABEP

5

Matthew 14:19-21

Chuin miho chu hampa chu-nga tou dingin asol'in, changlhah pheng nga le nga ni chu alan van lam aven phatthei aboh-in, chuinchanglhah chu aheh bal bal'in aseijuite khut'a apen; aseijuiten mipi chu ahop peh-un abi. Chuin abonchauvin aneuvin ava soh keyun; aneh moh-u anong chengse chu paipah som le paipah ni aloh dimun ahi. Anea chu numei le chapang sim louvin mi sang nga jen ahiuve.

Luke 5:4-6

Chuin atouvin kong pang chun mipi chu thu ahiltan abi. Chuin athusei angah phat'in Si-

mon jah a, "Lithuh lam jonin nga man dingin nalen sep lhan," ati. Chuin Simonin adonbut'in, "Pipu, jan khovah keyin kabol'un imacha man louhel kahiuve; ahivangin nangma thusah-in len gahsep lhange," ati. Chuin chutia abol phat chun nga atama tam akhu khatauvin alenu chu asedeh jengin ahi.

Matthew 21:19

Chuin aman lamkenga theichang phung khat amun, aphunga achen ahile ana tailou imacha aga aumpoi. Chuin aman, "Imatih chanin naga ga kitta hih hen," atin ahile chupettah chun theichang phung chu agoppai jengtai.

JESU CHU PAKAI LE THIL JOUSE SEM

6

1 Corinth 1:9

Pathen tahsan umtah ahi. Aman a-Chapa i-Pakaiyu Jesu Christa kithopi dinga nakoulut'u ahitai.

Hebrews 1:2

Pathenin. . . tulai ni nunung a hin a-Chapan eiho heng'ah thu aseitai; hiche a-Chapatah chu ima jouse gouloa atun ahitai; chule thilsem jouse jong hi ama khut'a asemsah ahi.

Solchahte 2:36

"Hijeh chun Israel insung mi jousen kichentah-in heuben, hiche Jesu nanghon thingpel a nakhet-beh-u chu Pathenin Pakai le Christaa atun ahitai," ati.

Colossae 1:16

Ajeh chu amaa chu thil jouse kisema ahi, van chungga, leiset chungga, thil muthei le mumo, laltouna hiben, loinehna gam hijong le piputna hiben, thahat thuneina hijong le, thil jouse amaa chule ama dinga kisema ahi.

Rome 14:9

Ajeh chu athile ahing Pakai ahikop theina dinga hi, Christa thia chua hingdoh kit ahi.

John 1:3

Hiche Lhagao thuseidoh ho sim a, chule ja a, chule asunga kisun thuhoh chengse nit'a chu anun noma ahi; phat anai jeh hin.

JESU CHU MIJOUSE THUTAN

7

Solchahte 10:42

Chuin ahingle athi thutana Pathenin atun, ama hi ahi, ti thu miho hillea hetsah dingin thu ei-peuvin.

Rome 2:16

Hicheng chu ka-Thupha seiphongle dungjuiya, Pathenin Jesu Christa amanchah-a mihemte guhthim thu atan nileh chuti ding ahi.

2 Timothy 4:1

Keiman Pathen mitmua le ahing le athi ho thu tan dinga Christa Jesu mitmua ama hung kilahna le agam chu pan a guntah a kahilchah nabi.

Matthew 25:32

Chule namtin vai jouse ama anga chu kikhom ding; chule ahingpan keltah a kona kelngoi achom khen banga aman khat'a kona khat achom khena.

John 5:22

“Pa chun mi koima thu atanpoi, thutan ding jouse Chapa a-pehdoh ahitai.”

Rome 14:10

Ahin ibola nangin nasopi na-oimoham? Chujongle nangin nasopi ibola musit nahim? Ajeh chu Pathen laltouna anga ibonchauva idin dingu ahinalaiye.

Hebrews 5:9

Chuin ama chamkimsah soh keiyin aumin, athua nung ho jou-se dingin tonsot sochatna bulpi asohtan ahi.

Hebrews 7:25

Hijeh chun amavanga Pathen kom nai lutte ho chu, taopeh dinga ama hing jing jeng ahijeh a chu amaho chu huhhing chamkimsah thei ahi.

Solchahte 4:12

“Chule koima dangah huhhing-na aumpoi; ijeh-inem itile vannoiya mihem lah-a huhhinga iumna dinguva kipea min dang amin dang in aumpoi,” ati.

John 14:6

Jesun ajah a, “Kei hi lampi le thutah chule hinna chu kahi; keiya che lou chu koima Pa kom alhungpoi.”

John 8:24

“Hichejeh a chu najah uva, ‘Nachonset chenga nathi dingu,’ kati ahi; kei hi ama chu kahi, natanhsan louseuva nachonset chenga nathi dingu ahi,” ati.

John 10:9

Keima hi kot chu kahi; mi keiya lut chu huhhinga um ding ahi, chule lut le pot lea chule ham nea lhatle na amu ding ahi.

CHRISTA A LHATDAMNA

9

Colossae 1:12-14

Vah-a cheng mithengte chan chankhompia loma eiho eisema Pa chu thangvah jingun; ama chun muthim thahat thuneinaa kona eihuhdoh-u ahi, chule a-Chapa ngailut gam mi eisou ahi; amaa chu eihon kilhatdohna ineiyuva chonset ngaidamna ineiyu ahi.

Thuphon 5:9

Amaho chun la thah khat a-sauvin: "Lekhabu chu ala ding le Asinkhana lhamlha dinga lom nangmabou nahi; Ajeh chu nangma kithat tasa nahi. Phungtin le chitin namtina mi, Paotin pao-

tanga mi, gam vaipi nam jousea mi Pathena dinga nangman nathisana nachohdoh ahitai."

Titus 2:14

Chonphat louna jousea kona aman apah a eiho eihatdoh theina dingu le ama a bi dinga thilpha bol'a tompan mi vai khat ama dinga akisub theng theina dingu, ama chu eiho dinga ama kipedoh ahitai.

1 Corinth 1:30

Nangho vang chu Ama vanga Christaa um nahiue. Pathenin ama chu eiho dinga chihna, chonphatna, kithensona kilhatdohna a asem ahi.

CHRISTA THISANA LHATDOHNA

10

1 John 1:7

Ama vah a aum banga eiho jong vah a chu iva leu vang le ki-loikhom ihiu ahi, chule a-Chapa Jesu thisana chonsetna jousea kona eisil ngimjiu ahi.

1 Peter 1:18, 19

Napute napateu hinpehson chonna homkeova kona chu mangthei thil sana le dangka a kilhatdoh nahipouve; boh beh louhel le nolna beihel kelngoinou, Christa thisan lutah a chu, kilhatdoh joa nahibouvui.

Hebrews 9:14

Christa tonsot kemlou Lhagao-va nolna beihel'a, ama Pathena

kipedoh jenga thisan chun Pathen hing lhachalea pang dinga thina natoh a kona ase apha nahetnau chu gamchenga asul theng cheh ding ahi.

Rome 5:9

Chuti ahi jeh chun eiho tun Christa thisan vanga chonphaa kisim ihitah jeh-u chun, achung chona ama vanga Pathen lung hanna kona huhbinga umte ding ihiuve.

Ephesus 1:7

Hiche alungdei vanga chu eiho athisana kilhatdoh ihiuve, lung setnaa ihao dungjuiya isubkhelna jouseu ngaidam ichanu ahitai.

CHRISTA TAHSAN VANGA HUHHINGNA

11

Ephesus 2:8, 9

Lungset mana tahsan vanga huhhinga uma nahitauve; hichu nanghoa kon ahipoi, Pathen thilpehloh ahibouve; koimacha kison thei louna dinga, hichu thilbol vanga hilou ahi.

Galatia 5:6

Ajeh chu Christa Jesuah cheptan hi aphatsahna aumpci, cheptanlou jong hi ima ahidhepoi; ahin tahsan ngailutnaa tonga chu phachoma ahibouve.

Rome 5:1

Chuti ahin tahsan vanga eiho chonphaa kisim ihitah jeh un i-Pakaiyu Jesu Christa vanga Pathentoh kichamdela um ihitauve.

John 20:31

Jesu chu Pathen Chapa Christa ahi chu natahsan'uva natahsan vanguva ama min a hinna nanei thei dinguva hichengse hi kisuna ahibouve.

1 John 5:4

Ajeh chu koi hile Pathena kona penga chun vannoi hi ajo ahitai. Chule vannoi jouva chu itahsanu hi ahi.

John 6:28, 29

Hichun amahon ajah a, "Pathen lunglam na katoh theina dinguva ipi kabol dingu ham?" atiuve. Jesun adonbut'in ajah uvah, "Ahinsol hi tahsan leu chun hichu Pathen natoh ahi," ati.

Labu 108:4

Ajeh chu nalungset longlou van sangin asang jon, Nakitahna jong meilhang lah geiyin akitungdoh peh-e.

Titus 3:5

Eihon eiho chama ibol'u chonphat thilbol vanga hilouvin, aman amilungset dungjuiya penthabna a asil'a, Lhagao Thenga athah sema.

Ka La 3:22, 23

Pakai lungset longlou chu atang deh poi, Amihepina jong beiti neilouva um jing ahi. Jinkah sim jinkah seh le athah jing jengin, Hijeh chun nakitahna hi aloupi lkeh jenge.

Labu 103:17

Pakai lungset longlou le adihna vang chu, Ama ginge din tonsot kumkhoa achate atuteu ding gei ahi.

Micah 7:18

Nang banga agoulo amite ahingdoh amoh chengse dia Themmona ngaidama suh khelna subei-soh thei Pathen koipen um ding ham? Pathen chu alung hang jing jeng poi; Ajeh chu Pakai hi Lungset longlouva anei hi kipah jo ahibouve.

Labu 103:11

Ajeh chu leiset'a kona van asan banga Ama ginge dia Pakai lungset jong nasatah abiye.

Thuphon 22:17

Lhagao le mouvin. "Hungin," ti hen; chule adang chah chan hung hen; ago chanin manbeiyin hintwi chu kilah hen.

John 7:37

Chuin kut kichai nin, hichu ni-pi ni ahin, Jesu adingin batab-in asamin, "Koi hijongle adangchah a chu kahenga hung hen, hung don hen."

Isaiah 55:1

Kha-e, adang chah chanin twiphung hinjon cheh-uvn, Sum neilou chu hungu hen kichoh uhen nejong neu hen! Hunguvin leng-pitwi le bongnoi kichohuvin, Sum beiyin chule aman beiyin.

Matthew 11:28

"Tonggimte le pohgihte, kahe-nga hungun; keiman nang ho cholngah sah unge."

2 Corinth 5:20

Hiche jeh-a chu Pathenin keiho lengpalaiya eipansah uva keiho a kona chamna athum ahin, keiho Christa dinga palai kahiue; Christa dinga kathumnau hiche ahi, Pathen toh kichamun.

Isaiah 1:18

Pakaiyin hitin aseiyee, "Hunguvin kihou toh uhite; Nachon-set'u thisan bang jongleh Buh-bang banga bang ding nahiue; Sandup je ju jongleh, Kelngoi-mul jolsel tobang hiding ahi.

MIJOUSE PATHEN CHATE AHIPOI

14

1 John 3:10

Hichea chun Pathen chate le diabol chate akilangdoh jin ahi; koi hile chonphat pan lou chule koi hile asopi ngailu lou chu Pathena kon ahipoi.

2 Corinth 6:17, 18

Chuti ahi jeh chun Pakai chun ati, "Nangho amaho lah-a kon chun hung potdoh-un, Chule achomin umun; Chule thilboh tongkha bihhelun; Chule keiman nangho kalah lut ding nahiue. Chule keima napau hing ting, Chule nangho Kachapate le Kachanute nahi dingu ahi," tia hatchung nung Pakai chun ase i ahi.

Rome 8:14, 15

Ajeh chu Pathen Lhagao kaihoiya umho chengse chu Pathen chate ahiue. Ajeh ibam itile kichat kitna dinga sohchanna lhagao changa bilouvin, chapa hina lhagao changjoh nahibovui; hiche lhagao vanga chu, Abba! Hepa! tia ikoujiu ahi.

Philippi 2:15

Chutia chu nolna neile subsetbei Pathen chate nahidoh theiyuva, khang lamvaile vahkoiho lah a nolna beihela naumuva, vannotiya alah uva meivah banga kilang nahina dingun.

JUKHAM THUDOLLA PATHEN THUSEI

15

Thuchih Bu 20:1

Ju kiti hi mi dai chavaiya pang ahin, Khamna thei kiti jong hi kinah kibaona tah ahibouve. Hijeh chun koi koi hijongleh Khamna theiya lop'a chu miching ahipoi.

Isaiah 5:11

Ohe ada ahivu khamna thei don dinga Jingpi tah a thouji mi ho, Jutwijin achup hel kahseuva Jankhang khang geiya jantoute!

Galatia 5:19-21

Chule tahsaphe lam thilbol chengse vang chu akilange; hichu jonthanhoi, thenlou, hub, milim hou, doichoi, kidou, kinah kinef,

kimitthip, lunghan, loitum sem, kilangkhin, kibungkhen, kithangset, jukham, eltol golnop bol chule chutobang adang dang jong chu ahi; hichenga chu masanga kahlchah banguva chu amasanga kahlchah masah nahivu, chutobanga chonho chun Pathen gam alo lou dingu ahi.

Rome 13:13, 14

Suna bangin hoitah-in umuhite; juneh motchon le jukhama um louvin, huble jonthanhoi nei louvin, kinahna le kithangset beihelin umuhite. Pakai Jesu Christa chu kivonjoh bovun, naphe phatna dingu tahsa lam ngaichat subulhit ding imacha go hih-un.

Mark 10:17-22

Chuin lampi dunga che dinga apotdoh pettah-in mi khat ahung lhaijel'in a-angah adilsun, "Houhil pha, iti leng tonsot hin kemlou kachan thei ding ham?" tin adongin abi. Chuin Jesun ajah a, "Ibol'a apha neiti ham? Pathen khatseh tailou koimacha apha aumpoi. Thupeh cheng, 'Tol tha hih-in, jon bol hih-in, Gucha hih-in, thu jouvin mi heh hih-in, duhan mi bol hih-in, nanu napa jabol'in, 'ti chu nahenai," ati. Ahin amapan adonbut'in ajah a, "Houhil, hichengse chu kachapan laiya pat'a kahin nitpeh ahitai," ati. Chuin Jesun ama chu aven ahile

angailun ajah a, "Khat nabat nalaiye; chen lang nanei chengse gajoh-in lang mivaicha genthei ho petan, chutile vana gou nanei ding ahi; chule hungin lang kanung hinjuiyin," ati. Chucheng aseijah phat chun amai athimkut jeng tan, chuin gou haotah ahijeh-in lung mong mo tah-in achemang tan abi.

Matthew 22:37, 38

Chuin aman adonbut'in, "Nangman nalung pumpin, nalhagao pumpin, chule nalungthim pumpin Pakai na-Pathen chu ngailun. Hichu thupeh pipen le amasapen ahi."

Jacob 1:22

Ahin nang ho nangma le nangma kilhem lha a thu chu angai mai jeng hilouvin, thu chu abol'a joh hiuvin.

1 John 3:7, 8a

Kanaote ho, koima dohan lhah hih hel'un; koi hile chonphat pan chu chonpha ahi, ama chonpha ahi banga chu. Chonset pan chu diabol'a ahi; ajeh chu diabol chu atil abul'a pat hung chonsepeh jing ahi.

Ephesus 5:6

Mohthu homkeuvin koima kilhep lhahsah bih un; hitiho jeh chun thua nunglou chateho chunghah Pathen lunghan achujin ahi.

Galatia 6:3

Mi khattou ikhat hia kingaitoa imachala hilou chu ama kilhem-lhaa ahi.

Matthew 24:5

"Ijeh-inem itile mi tamtah keima minin hungun tin 'Keima Christa kahi,' tiuvin tin mi tamtah alhep lhah dingu ahi."

1 Corinth 6:9, 10

Ole michonse hon Pathen gam alo lou dingu ahi, ti hi nahet lou heluham? Nangho lheplhah-in um hih-un; mi-jong, thilha hou, mijigem, mibuh, palepa kikoi, gucha, neipap kilose, jukham, mi-hanse, minambol; hiteho chun Pathen gam alo lou hel dingu ahi.

Jacob 1:15

Chule alung ngaichat phalou chu naovop jia chonset ahinji ahi; chule chonset chu apilhin tengle thina sohjia ahi.

Rome 8:6

Tahsa lam lunggel chu thina ahin, Lhagao lam lunggel chu hinna le lungmonna ahi.

Ezekiel 18:20

Hinkhoa chonsepa chubou thi ding ahi. Chapa chu apa themmo jala genthei lou ding ahi, chapa themmo jala jong mipa genthei loubel ding ahi; midihpa dihna chu ama chungabou umding ahi, chule mi giloupa gitlouna jong ama chungabou um ding ahiye.

Thuchih Bu 11:19

Adih kolchah a ngailua chun Hinna anei tei ding ahin, Koi hileh agilou lam lama kiheipa vang chu Itijongleh thilo tei tei ding ahi.

Rome 5:12

Hiti chu ahin, mi khat jeh a vannoiya chonset lut, chule chonset jeh a thina lut ahi; chutima chu mi jouse chonset jeh a thina chu mi jouse chungabou lhungsoh ahitai.

Luke 15:32

'Hiche nanaopa vang hi athisa hing kit ahin; amangsa kimu kit ahi; hijeh a chu nom satah le kipah tah a ium dingu ahi,' ati.

CHRISTA'N THINA AJOUTAI

19

Thuphon 1:18

Chule abing jinga chu kahi; keima athisa kahi; ahinla ven, aimatih chan a dingin kahinge; chule thina le thikhoh khul kot-heh kaneiye.

1 Corinth 15:25, 26

Aman agalte jouse akengto noiya akoi masangsea Aman gamvai apoh ding ahi. Gal nukbahpen thina ahi, hi jong chu asuhmang ding ahi.

2 Timothy 1:10

Ahin tua vang eihuhhinga Christa Jesu hung kilah a kona kilangdoh ahitai, aman thina asu beiyin Kipana Thupha a binna le thilouna chu vah a ahinpoh ahi.

John 10:17, 18

“Keiman kahinna chu kakilah kit dinga kalha ding abin; hiche-jeh a chu Pan keima eingailut ahi. Khattouvin eilahpeh ding thu ahipoi; keiman kachama kalha ding ahibouve. Lha jong lha theiya chule kilah kit theina thu kaneiye. Hiche thupeh hi ka-Pa a kona kamu ahi,” ati.

John 11:43, 44

Hichu aseiyin hasap tah-in a-samin, “Vo Lazarus, hungdoh-in,” ati. Hichun athipa chu akhut akeng lhanpon a kitom pumin amai ultheh pon a kitom pumin ahungdoh tan ahi. Jesun ajah uva, “Lhamun lang chesahun,” ati.

Danbu Ni Na 5:7-21

“Nangman keima angunga pathen dang nanei louhel ding ahi.

“Nangman chungga vana hihen lang, noi leiset chungga hijongle, chule leiset noilam twi lah a hijongle thilsem lim tobang khat’a milim kilhajol doi nasemthu louhel ding ahi; hitobang thilsem kitemthuho hi Pathen bola nabola akom’ uva nabonkhup’a chule najenle louhel ding ahi. . .

“Nangman Pakai na-Pathen min chu mohseh seh a napat louhel ding ahi; ajeh chu ama min mohseh seh a phapoh jingpa chu Pakaiyin themmona beiya akoi louhel ding ahiye.

“Cholngah nikho chu nit’in lang, Pakai na-Pathenin nathupeh bang bangin athengin umсах jing jengin. Nigup sunga nangman na natoh a, natoh ding chan natoh-soh hel ding; ni sagi lhin ni vang hi Pakai na-Pathen dinga cholngah nikho ahin, hiche nikhoa hi nangman natoh kitipou pou khat’a khat cha jong natoh louhel ding ahi. . .

“Pakai na-Pathenin nathupeh bang bangin, napa le nanu jabolin. . .

“Tol natha louhel ding ahi. Chule mi najonpi louhel ding ahi. Guhchat jong nabol louhel ding ahi. Naheng nakom dounaa jou-

thua hettosah a napan louhel ding ahiye.

“Naheng nakompa jinu jong nadeichat louhel ding; naheng nakompa in jeng jong nadeichat louhel ding ahi, alou hihen lang

asoh pasal hihen, asoh numei hileh, abongchal hihen lang asangan hijongleh, ipi thil hijongleh naheng nakompaa kitipou pou chu nadeichat peh louhel ding ahi, ati.”

PATHENA KONIN KOIMA AKISEL THEIPOI

21

Thuchih Bu 15:3

Pakaiyin muntin hi amit te nin amusoh keiyin, Thilse le thilpha kibol jong amelchih jinge.

Labu 139:8, 12

Vana kaldoh jong leng, nangma naumin; Noimigama lupna kistem jong leng, naume! . . . Nang din muthim jeng jong ajing pon, Jan jong sun bep ahin, muthim jong nang din khovah bep ahi.

Luke 8:17

Ijeh-inem itile kiphong lou dinga imacha ki-ima aumpoi, chule hetdoh lou ding le kilangdoh lou ding kiselguh imacha aumpoi.

Job 34:21, 22

“Ajeh chu Pathenin mihem kho-lhah amelchih-in, Akalsona lam lam ave-lhi keove. Thilse bol miho kiselna thei ding, Khojin muthim lah jong abeitai.”

Labu 9:17

Pathen sumil namtin vaipi a-bonchan, Migilou jouse noimigama chesoh keidiu ahi.

Matthew 13:41, 42

Mihem Chapan Avantil te so-l'in tin chule amahon gamsunga konin kisuhmona chengse le akhang giloute jouse chomkhomun tin, lhum sunga aselut dinguh ahi; hikoma chu ka le hagel um ding ahi.

2 Peter 3:7

Hiche thu ma ma a chu tulai vannoi leiset hi Pathen ngaisah louho thu kitan le akisuhmang niu geiya dinga kikheh meiya dinga kikhol khoma ahi, ti hi.

Matthew 18:8

Chule nakhut abim, nakeng ahim khatjo sangin nakipal lhub sah a ahile tan bongin lang paimgin; khut ni keng ni neiya tonsot kemlou meikonga nakilelut sangin, ti bukim lou le kengbaiya hinna a lut le chun nang dingin aphajoi.

Thuphon 20:15

Chule hinna lekhabu sunga amin kiholdoh louse chu mei dil'a chun aleh lut tauvin ahi.

Matthew 25:46

“Chule amaho chu tonsot kemlou talen man dinga cheuva michonpha ho chu kem lou tonsot hinna a che ding ahiuve,” ati.

AHUNGLHUNG DING THUPITANNA

23

Solchahte 17:31

Aman nikho khat atep ahin, hiche ni chule ami tun chun chon-dihnaa vannoti hi athu atan ding ahi; ama chu athia kona akai-thouva mi jouse ahet kichensah abitai," ati.

Rome 14:12

Chuti ahi jeh a chu ibonchouva Pathen henga eima chonchan cheh ikisei dingu ahi.

1 John 4:17

Hichea hi thupi tan ni le eiho ihakat theina dinguva ngailutna chu eiho chunga kisuchamkim a-hitai; ajeh chu ama um banga eiho hiche vannotiya hi iumu ahi.

2 Corinth 5:10

Mitinin tahsaa athilbol apha hile, ase hile, athilbol dungjui cheh a atohman asan cheh theina dinga, eiho ibonchouva Christa thupi tanna anga chu ikilah cheh dingu ahi.

2 Peter 2:9

Pakai chun Pathen ngaisah ho chu lhezna a kona hahdoh je ahen chonphalou ho thupi kitan ni kahsea dinga talen matsah a koije ahei.

Hebrews 9:27

Chule mihemte dinga khatvei thia chujou le thutanna hung um ding chu gotsa ahin.

2 Corinth 9:15

Athilpeh sei thei lou jehhin,
Pathen thangvah-in umhen.

1 Peter 5:5b

. . . Ajeh chu Pathenin mihoi-
tho ho adoudal'in mi kineosah ho
lungsetna achanjin ahi.

Rome 9:16

Chuti ahi jeh chun hiche hi a-
lunga tuhpa vang jong hilouva,
adelpa vang jong hilouva, alung-
setpa Pathen vanga konjoh ahi-
bouve.

Solchahte 4:33

Chuin solchahho chun thahat
chungnung tah-in Pakai Jesu tho-
kit thu ahettohsah jiuvin: abon-

chauva chungah lungsetna nasa-
tah aumtan ahi.

Rome 5:15

Ahivangin manbeiya thilpeh chu
sukhelatoh kibang ahipoi; ajeh
chu mi khat sukkel jeh a mi-
dang jouse athia ahile, achung-
chon cheh-a Pathen lungsetle mi
khat, Jesu Christa, lungset vanga
thilpeh chu mi tamtah chungah
letset a chua ahitai.

2 Corinth 8:9

Ajeh chu Ama vaichat vanga
nangho nahaodoh theina dinguva,
ahaonasaa nangho jala vaicha
jenga, hiche Pakai Jesu Christa
lungset chu nanghon naheuve.

Ezekiel 18:31

Nanghon keima douna thil suh khel nanei cheng seu chu abonchan nanghoa konin paidoh soh heluvin lang, lungthah semuvin lhagao thah kengun! Ipi dinga namoh thi dingu ham, Vo Israel insung?

2 Corinth 7:10

Ajeh chu Pathen lam dola lung-hem chun hubhinga umna asoji ahi; hichun kishna asojipoi; van-noi leiset lam dola lung-hem chun thina asojin ahi.

Matthew 3:2

“Nalung heiyun van gam anaitai,” tin Judea gam gamthip’ah thu alhangsam len ahi.

Luke 13:3

Ahipoi, kaseipeh nahiuve; nang ho jong lung nabei louvu le chutobangma chu namanthah dingu ahi.

Solchahte 3:19

Hijeh chun, nachonsetnau chulmanga aum theina dingin nalung heiyun, hung kilehei kit’un, chutile Pakai anga konin haldohna kiledohna phat chu hung lhung theiyin tin.

Solchahte 17:30

Ihet lou laiyeu chu Pathenin einavetthimu ahin; tu vang in gam jousea mi jousen alung aheina dinga thu apen ahitai.

Ezekiel 18:21

“Ahin mi gilou khattou abolsa achonset chengsea kona chu ahung kilehei kit’a keima chondan ho jouse anit’a, dan lhingset adih chu abola ahileh, amapa chu hing tei tei ding abi; hichepa chu thi louhel ding ahiye.”

Mark 2:5

Jesun atahsanjeu chu amun langthipa jah a chun, “Chapa nachonset na ho ki ngaidam ahitai,” ati.

Solchahte 5:31

Ama chu Pathenin Israelte lungheina dingle chonset subbeina dinga, Pakaile Huhhinga hi dinga akhut jet’a achoisang ahitai.

Isaiah 55:7

Mi gilou chun achonna lampi dalha hen lang. Midih louvin alunggel jouse gelda hen; Pakaiyin ahepi theina dingin Pakai henga hung kile kit hen, I-Pathenu henga chun; Ajeh chu Pakaiyin bulhingset’a angaidam ding ahiye.

Thuphon 3:20

Ven, keima kotkhah bul’ah kadingin kot kakiu jinge; mi khattouvin ka-ogin ajah a kot ahona ahile, keima kasung lhah a ama chu an kaneh khompi ding abi; chule aman jong keima an eineh khompi ding abi.

LEISET NGAICHAT TO KIKHEN

27

1 John 2:15, 16

Nang hon vannot leiset le vannot leiset lam dol thil chengse ngailu hih hel'un. Koi hile vannot leiset ngailua chu alung sunga Pa ngailutna cheng lou ahi. Ajeh chu vannotiya um ho jouse tahsa lam ngaichat, mit deichat, hinlai kimoh vahchoi, hicheng hi Pa a kona ahipoi, vannotiya kona ahibouve.

Isaiah 1:16

Kisil ngimuvun lang kisuthenguvun, Kamit mun thil gilou nabol jouseu tol manguvun lang, Thilse bolkit datauvun. Thilpha bolje kithem chuh-uvun lang.

Colossae 3:2

Leiset thu geldauvin, chung lam thu jengbou gelun.

Titus 2:11, 12

Ajeh chu Pathen milungset hung kilah a mi jouse hubhingna chu ahinlut ahitai; hitia chu eiho Pathen ngaisah louna le vannot leiset lung ngaichat jouse pumpaiya, lung lima chondih a chule Pathen ngaisahna neiya tu khanga hi ikhosah dingu ahi.

Ephesus 5:11

Ahin muthim natobho ga neilou chu kikoppi hih un; amaho chu sosalun phohsal jovin.

1 John 2:29

Ama chonphatah ahi, hichu nahet jinguva ahile koi hile chonphatna lama chonpa chu, ama a kona pengdoh ahi, ti jong chu naheuve.

1 Peter 1:23

Ajeh chu nang ho kem mang thei chia kon hilouva, kem mang theilou chia kona Pathen thubing le tonsot um jing pengthah nahiu ahitai.

1 John 5:18

Eihon hiche hi iheuve; koi hile Pathena kona penga chu achonsejipoi; ahin Pathena kona penga chu ama akihongdoh jin chule agilou chun atongkhajipoi.

1 Corinth 6:11

Nangho abang hiti chu nahiuvin, ahivangin Pakai Jesu Christa minle Pathen Lhagaova kisil ngim nahitauvin, akisuthenga them changa nahitauve.

John 3:3

Jesun adonbut'in ajah a, "Tahbeh a kaseipeh nahi, koi hijongle chungu kona thahpen kit lou chu koiman Pathen gam amu theipoi," ati.

---2 Corinth 5:17

Hijeh chun koi hile Christaa um chu akisemthah abi; alui chengse chu amanggama ahitai; veuvin, athah ahitai.

Ephesus 2:1, 6

Chule nangho nathem naule nachonset nauva nathi pettah u-va, Pathenin nahinsah-u ahitai. . . Chule Christa Jesu vanga eihepiu hi khonunga phat hung lhung dinga chu amilungset hao chungnungje phongdoh dinga.

Colossae 3:1

Hijeh chun nangho Christa toh kaithou thaa um nahiule, Pathen jet lama tou jinga Christa umna chung lam thu jengbou chu ha holun.

1 Peter 2:24

Aman eiho chonset jouse atahsa chung apon thingleh geiyin apodohtan ahi; hichu eiho chon-

set lama ithiuva chonphat lama ihinna dinga ahi; ama kijepna mahaa chu nang ho kiboldama nahitauve.

Galatia 5:24

Christa Jesua hiho chengse chun tahsaphe chu alungtuple, angaichat puma thingpela akhetbeh thau ahitai.

Rome 6:2, 11

Chonset lama athisa eiho, chonset'a iti ihin jing nahlai dingubam? . . . Hiche bang bang chun nangho jong chonsetna lamah athisan kigelunlang, Pathen lamah Christa Jesu'ah ahingin kigelun.

John 17:3

Pathen tah khatseh nangma le nasol Jesu Christa tah chu ahed-doh dingu, hiche hi tontot hinna ahi.

John 5:24

Tahbeh beh a kaseipeh nahiu-ve, kathusei ngaiya chule eisolpa tahsan chun tonsot hinna anei ahitai, chule thupi tanna geita lou-va, thinaa kona hinna galkaiya ahitai.

John 3:36

“Chapa tahsana chun tonsot hin kemlou anei ahitai; Chapa thu ngai lou vang chun hinna mu lou ding, Pathen lunghan achunga umjo ding bou ahi,” ati.

John 3:14, 15

Chule gamthip'a Mose'n gul adop sang bang banga chu, koi hile atahsan chanin ama a tonsot hin kemlou anei theina dinga Mihem Chapa hi kidom sang ding ahi.

Rome 6:23

Ijeh ham itile chonset man thina ahi, Pathen thil mohpeh vang hi Pakai Christa Jesu vanga tonsot hinna ahi.

2 Corinth 5:1

Hiche pon-in tobang kaleiset inu hi kiphelha jongle, khut'a sah-lou tonsot in Pathena kona kisa indet chu vanah kaneiye, ti ka-heuve.

HUHHING NA DINGA LHAMUNNA

31

Galatia 4:6

Chule nangho chate nahiuh jeh a chu Pathenin Amaa kona a-Chapa Lhagao chu ilung sunguva ahinsola Ama chun, Abba, Pa, tia akou ahi.

John 14:21

“Kathupehho neiya chule nit chu eingailua ahi; chule keima eingailua chu ka-Pan angailut ding; chule keiman ama chu kangailut a ahenga kakiphon ding ahi,” ati.

Isaiah 32:17

Adih aum jeh a chu chamna hung uma, Adih alen jeh a Aton-sot geiya dia thipbeh cha Tahsan-na um ding ahi.

Rome 8:16

Lhagao chun amatah-in eiho lhagaotoh kithoa Pathen chate ihiu eihetsah-u ahi.

1 John 4:13

Hichea hin eihon eiho ama a um ihiu chule ama eihoa um ahi chu iheuve; aman ama Lhagao eipehtah jeh-u chun.

1 John 3:18, 19

Kanaote ho, khaiye, eihon thu jeng le kamsung keo jenga hिलouvin natoh le thutah-in ngailuu hite. Hichea chu eiho thutah a kon ihiuve, ti chu ihet dingu ahi, chujongle ama mitmua ilungu kinem jinga um ding ahi.

Rome 14:17

Ajeh chu Pathen gam chu aneh twidon thua ahipoi; chonphatna, lungmonna, Lhagao Thenga kipanajobbou chu Pathen gam thupi ahi.

Labu 16:11

Nangman hinna lampi nei-hil'in, Nang umna jousea kipana alhingset jin ahi; Nukhut jetlama Tonsot tonsot'a lung lhaina jeng nachoiye.

John 17:13

Tuvangin nahenga hung ding kahitai; chule kakipana amahoa auma anei kimna dinguva van-noiya hiche thu hi kasei ahi.

Isaiah 12:3

Nanghon kipah pum puma huhinga twikhuh a kona twi nakithaluva.

John 15:11

Kakipana nanghoa aum jingna ding le nakipanau akimna dinga, hicheng thu hi najah uva kasei ahi.

Galatia 2:20

Keima Christa toh thingpela kikhetbeh thaa kahitai; keima ahinga kahi tapoi, Christa chu keiya hinga ahibouve; tua tahsaphea kahin hi keima eingailua keima dinga kipedoh Pathen Chapa tahsan vanga chu hinga kahibouve.

Rome 6:16

Koi heng koi heng hijongle athua nung dinga asoh-a nalutna chu, thina dinga chonsetna lam hijongle chonphatna dinga thua nunna hijongle, athua naumpa soh chu nahi, hichu nahet louvuham?

2 Thessalonica 1:7-9

Pakai Jesu thahat loupina Vantil chengsetoh meikonga vana kona ahung kilah-a, Pathen helouhole i-Pakaiyu Jesu Christa thupha joplou chengse chungu phualah tengle, naphuu alah-a nabol hesohho chengseu chu, abol hesoh-a hesoh thoh a nangho chu

keiho chengse toh ol eipeh dingu chu; hiche ni chule ama amithengtea loupi dingle, atahsanho chengsea (Keiho thu hettosah natahsanu ahitan) kidang tah a choiatna um dinga ahung tengle.

Danbu Ni Na 11:26-28a

“Ven, tuni hin keiman nang ho masanga phattheina jong gaosapna jong kakoipeh cheh uve; tunia keiman nang ho kathupez, Pakai na-Pathenu thupez chengse chunanit’uva athua nanun’uva ahileh phatthei channa hitin, amavang tuni nikhoa keiman nang ho kathupez Pakai na-Pathenu thupez chengse hi ngailouva.”

Matthew 10:32, 33

Hijeh chun koi hile miho ang a kei eiseidoh chan chu keiman jong van a ka-Pa ang a kaseidoh ding ahi. Amavang koi hile miho ang a keima eiseileppa vang chu keiman jong van a ka-Pa ang a kaseilep ding ahi.

Rome 10:9, 10

Ajeh chu nangman nakama Jesu chu Pakai tia naphondoh-a chule Pathenin ama chu athi laha konin akaithouve, ti nalunga natabsan le, asohcha ding nahi. Ajeh chu chonphatna dinga lunga tahsan ahin, sochatna dinga kama phondoh ahi.

2 Timothy 2:12

Athoh chu ithoh piu le avaipoh jong ipohpi dingu ahi; eihon ama seilep leu hen, aman jong eiseilep dingu ahi.

Luke 9:26

Ijeh-inem itile koi hijongle keima le kathua jahcha chu, Mihem Chapan ama loupina le Pa loupina chule Vantil theng te ho loupina a ahung tengle amapa chu ajachatpi ding ahi.

1 John 2:23

Chapa jada a chun Pa chu anei loulai ahi; Chapa janoma vang chun Pa jong chu anei ahitai.

SATAN – MELMA LENPEN

35

Matthew 4:1, 10, 11

Hichun Jesu diabol lhep paped'a um dingin gamthip a Lha-gao puitouvin aumtan ahi. . . . Chutah-in Jesun ajah a, "Chemangin, Satan; ijeh-inem itile hitin akisune, 'Pakai na-Pathen chu chibai boh-in lang ama jeng bou houvin,' akiti," ati. Chuphat'in diabol'in ama adalhatai; chuin veuvin, Vantil ho ahungun ama chu ahung jenleutauvin ahi.

Solchahte 26:18

'Amit'u hadohsah dingle mu-thim lah-a kona khovah-a, chule satan thuneina noiya aumuva kona Pathen henga akihei theina

dingule, achonsetnau akisuhbeiya, keima eitabsan vanga kisutheng-ho lah-a gou alo theina dinguva ahenguva kasol ding nahi,' eiti.

1 Peter 5:8

Lingeh chan umun, kihong-phauvin; nakidoupiu diabol chu keipi bahkai kituma banga koi kaval lhum theidem, tia hol lea vah lea ahi.

2 Thessalonica 2:9

Hichepa hung chu satan natoh dungjuiya thilbolthei thahatle melchihna chule jouthil kidang bol chengse toh hung kitho ding ahi.

2 Thessalonica 2:8

Chule hiche teng chule dan su-sea chu hung kiphongdoh ding ahi; ahinla Pakai Jesun akam hua ama chu athaa chule ama hung kilah a chu asuhmang ding ahi.

Jacob 4:7, 8a

Chuti ahijeh chun nang ho Pathen thun nungun; ahin diabol vang chu lethuh jiuvin, chutile nakomuva konin jam mangtante. Pathen kom naiyun, chutile ama nang ho kom hung nai ding ahi.

Hebrews 2:14

Chuti ahijeh chun chapangte ho chu thisan le tahsa chang khom ahijeh-u chun, thinaa thina

thu neipa, hichu diabol ahi, asuh-poi theina ding le.

Rome 8:35, 37

Christa ngailutnaa kona koiham eikhen dinga? Hesoh gantheile, lungdonna, bolsetna, gilkel, pon beiya um, settona, chemjam, hicheng chun eikhen thei dingham? . . . Ahinla eingailupau vangin hicheng thua hin eiho galjou sanga galjou ibiue.

1 John 3:8

Chonset pan chu diabol'a ahi; ajeh chu diabol chu atil abul'a pat hung chonsepeh jing ahi. Diabol natoh ho jouse sumang dinga Pathen Chapa hung kilah ahi.

1 John 4:20

Khattouvin, "Keiman Pathen ka-ngailui," tihen asopi ho ta le, ama chu mijou ahi; ajeh chu aman amusa jing asopi bon angailut loule amukhah louhel Pathen chu angailut thei lou ding ahi.

Galatia 5:22, 23a

Lhagao ga vang chu ngailut, kipa, cham, lungmon, thohhat, mihepi, phat, tahsan umtah hi, lungneng, ama chang kitim, hicheng hi ahi.

John 13:35

"Nang ho nang ho lah a naki-ngailut to cheh uva nahiu le nang ho chu keima seijui nahiu hichea chu mi jousen aheth ding ahi," ati.

John 21:16

Aman ajah a, "Kakelngoi nou ho vah-in," ati. Anivei nan ajah a, "John chapa Simon, nangman neingailut'em?" ati kit tai. Aman ajah a, "Henge, Pakai ka-ngailut nangman nahenai," ati. Aman ajah a, "Kakelngoi ho chingin," ati.

1 Corinth 13:1

Keiman mihembo paole vantilho paovin thu sei jeng jongleng, ngailutna kanei loule, sum-eng kivogingle khutbeh kibengto bangbou kahi ding ahi.

1 John 5:3

Ajeh chu atrupeh nit hi Pathen ngailutna ahi; chule athupeh chengse jong chu pohghisa ahipoi.

Solchahte 10:39-41

Chule Judahho khotinle Jeru-
salema abol athilbol jouse hetoh
keiho kahiue; ama chu thinga
akhaiyun athattauve. Ama chu
Pathenin anithum nin akaithou-
vin akiphondoh sahtai; mi jouse
heng hilouvin amasanga Pathenin
alhendoh athodoh nunga amatoh
nekhom a donkhom aheto h keiho
heng ahibouve.

John 20:26-28

Chuin ni get jou man seiuite
insunga aum pettah-un hia chu
Thomsa jong ahiuvin, kot kikhah
soh keiya ahin, Jesu ahung kit'in
alah uva ahung dingin, "Nachun-
guva lungmon um hen," ati. Chu-

tah-in Thomas jah a, "Nakhut-
jungin hinkhoiyin, kakhut te ni hi
ven; nakhut bin lhangin lang ka-
nah thamin; chule gingchalel lou-
vin tahsanin." ati. Thomas chun
adonbut'in ajah a, "Ka-Pakai le
ka-Pathen," ati.

Mark 16:9

Chuin hapta ni masapen ni jing-
pia athodoh jou chun Magdalene
Mariam, asunga kona thi lha sagi
anodoh amanu benga chun akilah
masapenin ahi.

Rome 4:25

Hiche Jesu chu eiho subkhel
jeh a kipedoh ahitai; chule eiho
chonpha a ikisimna dinguva kai-
thouva uma ahitai.

Matthew 16:21

**Chuche jou chun Jesu Christan
Jerusalema achea upa ho le them-
pu pipui ho chule danthu sun hoa
kona thil tamtah athoh a chule a-
kitha a, chule ni thum nia kai-
thouva aum tei ding danje chu a-
seijuite ahil pantan ahi.**

John 5:25, 28, 29

**Tabbeh beh a kaseipeh na-
hiuve, Phat ahung lhunge, tu hi
ahi, mithihon Pathen Chapa o a-
jah dingu; chule aja ho chengse
chu hing ding ahivue. . . . Hiche
hi datmo kih-un; ijeh-inem itile
phat ahung lhunge, hichea chu
lhan khuh a um ho jousen o ajah
dingu, chule hungdoh ding ahivue;**

**thilpha bolte ho chengse hinna a
thoudoh kit ding, chule thilpha-
lou bolte ho chengse themmo
changa thoudoh ding ahivue.**

Rome 6:3-5

**Eiho Christa Jesua baptize
chang chengse hi thinaa baptize
changa ihu hi nahet louvuham?
Hiche jeh a chu Pa loupina vanga
Christa athi lah a kona akaithou
banga chu eiho jong hinkho thah
lam chu ijot theina dinguva, bap-
tize chana hi athinaa amatoh ki-
vuithaa ihitauvin ahi. Ajeh chu
ama thi lim banga ithiuva ama-
toh kijommat ihivule, athokit lim
banga jong ithokit dingu ahi.**

2 Timothy 2:21

Hichenga kona kithensodoh chu ama chu sahlut dol tah ahi, a-kisutheng ahin, Pakai natonga lomtah ahin, chule thilpha bolna lam jousea dinga kigosa ahi.

Luke 1:74, 75

Igalteu khut'a kona huhdohna eisempeh uva, Ihinlai sungseuva ama angunga olmona nei louhel'a, Thengtah le dih tah a Ama ihou theina dingu ahi.

2 Timothy 2:15

Nangma kipatep them chang banga Pathena kipehna dingin gunchun pon panin, jachatna beihel natong mi hin, thutah thu chu jangkei chan mang chan.

1 Peter 1:15

Nakoupau athen bangin nang ho jong nun le khan jousea thengun.

2 Corinth 7:1

Hijeh chun, sopi ngaite, thutep hicheng chu ineiyu ahi jeh chun hungun, lhagao le tahsa kisubbohna jousea konin kisuthengu hitin, Pathen gingin thennaa chamkimin umuhite.

1 Peter 1:2

Thua nung ding le Jesu Christa thisan thekhuma um dinga Pa Pathen lung got masah dungjuiya Lhagao suh theng kilhengdoh ho heng'ah, lungsetna le lungmon na nachunguva pung hen.

Hebrews 13:12

Hichejeh a chu Jesun jong ama thisana mihemte suh thenгна dingа khopi kotpi polama thina athoh abitai.

Ephesus 1:4

Ajeh chu aman vannoti bul phudoh masanga pat ama angа ngailutna le thenга chule nolna beihela ium theina dinguva eiho einalhendoh sau ahin.

1 John 1:9

Eihon chonsetna iphon vangule ama chu eiho chonsetna chengse ngaidam ding le chonphat louna jouse sil thenг dingа tahsan umtah chule chonphatah ahi.

Isaiah 35:8

Chule lamlen khat hung kilhungin tin, Hiche chu 'Lampi Theng' kiti ding ahi; Miboh atheng lou jousen hiche lampi chu ajot louhel ding, Mi-ngolten jong asunga chu adihlou abol louhel diu ahi.

Matthew 3:11

“Lungheina dingа keiman twiya baptize kachansah bou ahi; amavang kanunga hungpa keima sanga chungnungjo ahi; keima akengchot choi dingа jong kilom kahipoi. Amatah chun nang ho Lhagao Theng le meiya baptize nachansah dingа ahi.”

Rome 8:9

Pathen Lhagao nasunguva a-chen vangle, tahsa lama chon bilouva Lhagao lama chon nahi. Christa Lhagao neilou vang chu Christaa ahipoi.

Ezekiel 36:27

Chutengle nasunguva kalhagao kakhumpeh a, keima chondan thu ho chu kajuisah diu, kachonna dan ho chu kitup tah a kanit-sah ding nahiue.

Solchahte 11:24

Ijeh-inem itile ama chu mipha ahin, chumale Lhagao Thengle tahsan dimset mi ahi; chuin miho atama tam Pakaiyah alutbetauve.

Luke 11:13

“Hijeh chun nang ho bon migiloutah hiuva nachateu thilpha pehje nahet’ule, hiche sanga chun gam chenga van a Pa chun ahenga thumte chu Lhagao Theng a-peh lou ding ham?” ati.

Solchahte 4:31

Hiti chun ataovun ahile akik-hop nau chu ahung kilingin, a-bonchauvin Lhagao Thengin adimun hakattah-in Pathen thu aseitauve.

Solchahte 1:8a

“Amavang Lhagao Theng nachunguva ahung lhun tengle naghon thahat nanei dingu ahi. . .”

Isaiah 66:2

Thil hichengpi hi keiman kakhut'a kasem cheh ahin, Hijeh a chu aboncha hi keiya ahi, tin Pakaiyin aseiyeh. Ahinla keiman kavet khoh ding mi chu Lhagaova lung nema lungkhel pa Keima thusei ajah tengleh Kitihot hotpa chubou ahiye.

Thuphon 21:4

“Chule amit chenguva amit lhi chengseu ateh ngim ding; chule chule thina umta loubel ding; chule lhasetna le ka-na chule nat thohgim umta lou ahi; thil masa ho chengse chu kitol mangsoh ahitai,” ati.

1 Peter 4:12, 13

Ngaite ho, nang ho patep dinga nalah uva meiya konga chu thil kidang nachunguva hung chua bangin kidang sa hih-un; nang ho Christa hesoh genthei thoh khompia nahiu bangtah chun kipah jouvin; chutia chu aloupina hung kilah teng le lung thanop toh goma nakipa theina dingun.

Labu 37:3

Pakai jenga ki-ngaiyin thilpha bol'in, Chutileh gamsunga chengin natin lung monga naum ding ahi.

Rome 16:20

Chule chamna lungmonna Pathenin satan chu nakengto noiyuva achil ngemvah ding ahinai.

Rome 8:28

Ahin Pathen ngailuho chengse, Ama lunggot lam doltah a kikouho ding vang chun, ijakaiya a-phatna dingu atong khom e, ti chu iheuve.

Isaiah 43:2

Nangin twipi lah najot tengleh keiman nalhon ping ting, Vadung ho napal teng jongleh nachup lou ding ahi; Nangman meikong lah napal teng leh Nakahvam den lou ding; Meikong deujejun nangma Naleogep den louhel ding ahiye.

Hebrews 2:18

Ajeh chu aman lhepna atoa hesoh genthei athoh jeh chun lhepna toh ho phatna bol'a hu thei ahi.

1 Corinth 10:13

Mihem dou thei kaval lhepna nachuguva achukhapoi; Pathen tahsan umtah ahin, natha-in adou jou kalvalin lhepna nachunguva chuhsah ponte; hijeh chun nathoh jouna dingu, lhepna chutoh kihona nakihuhdohna dingu lampi jong nasempeh dingu ahi.

Labu 34:19

Midih thoh gentheina tampi ahin, Ahinla Pakaiyin hichengsea kon jong hin ahuhdoh soh-e.

Thuphon 3:5

Ajouva chu ama jong chutia chu ponbanga kijem ding ahi; chule keiman abing lekhabua kona ama min chu kathai mang louhel ding ahi; ahin ka-Pathen ang-sung le Avantil chengse ang-sunga ama min chu kaseidoh ding ahi.

Thuphon 3:21

“Keiman kajoa ka-Pa koma laltouna a katou banga hi ajouva chu kakoma kalaltouna a katou-sah ding ahi,” ati.

Thuphon 21:7

Ajou chanin hicheng hi alo ding ahi; keima a-Pathen hing ting, ama kachapa hi ding ahi.

Thuphon 3:12

Ajouva chu ka-Pathen houin khoma kasem ding, chule chua kona chu potdohta louhel ding ahi; chule achunga ka-Pathen min, chule ka-Pathen khopi Jerusalem khopi thah, van a kona ka-Pathen koma kona hung kumlha ding, hiche min chutoh keima min thah kasut ding ahi.

Thuphon 2:7

“Nakhang nei chanin Houbung ho jah jah a Lhagao thusei hi ngai hen. Ajouva chu keiman Pathen ol lim daiya um hinthing ga kanehsah ding ahi,” ati.

Matthew 5:32

“Ahivangin keiman najah uva kasei ahi, Ajon jeh tailouva thu dang jeh-a aji daa chun ajinu chu ajonsah ahi; chule koi hile aki-dasa numei chu akichenpia jong chu ajonga ahi.”

Luke 16:18

“Aji da a achom dang kichenpi chan chu ajonga ahi; chule ainneipun ada numei kichenpia jong chu ajonga ahi.”

Rome 7:2, 3

Numei jineiya chu ainneipu abinlai chancea danthun ainneiputob akanbeh jing ahin, ajipa athi teng vangle ainneipu danthua

kona chu ongdohjia ahi. Chuti ahi jeh chun ainneipu hinpet'in midang ji hitahen hile, chute-ngle amanu chu ajonga kiti ding ahi. Ainneipu thi teng vangle, danthua kona onga ahitan, pasal dang ji hijongle ajonga hita lou ahi.

1 Corinth 7:10, 11

Ji neisaho vang hiche thu hi kapeh ahi, keima kahipon Pakaiyin apeh ahi, numeiya ajipa da hihhen. Adatah jongle jinei louvin umhen, ahiloule ajipa toh kihoucham kit jenghen, chule pasalin jong ajinu da bihhen.

Matthew 24:27

“Ijeh-inem itile kolphe niso lama ahung phetdoh le nilhum lam geiyin asalvah-in; Mihem Chapa hung kit jong chutobang ding ahi.”

Thuphon 3:11

Hung vahjet ding kahi; nalal lukhuh chu koiman nalahpeh louna dingin nanei sun chu tuh det jingin.

John 14:3

“Chule nang ho ding mun sema kachea ahile, keima umna a chu nang ho jong naum theina dinguvin keima hung kit ing ting kahenga dinga kahung pui ding nahiuve.”

Mark 8:38

“Ijeh-inem itile koi hijong le tulai khang thah jonna le chonset pan lah a keima le kathua jah-cha chu Mihem Chapan jong a-Pa loupina a a-Vantil thengetoh ahung ni le amapa chu aja-chatpi ding ahi,” ati.

Matthew 24:30

“Chutah le vanlaijola Mihem Chapa melchihna hung kilang ding; chule chutengtah le vannot leiset phungtinin aom achup chup dingu ahi, chule vanlaijol'a Mihem chapa thuneitah le loupichung nung tah a mei chung a-hung amu dingu ahi.”

Matthew 16:27

Ijeh-inem itile Mihem Chapa a-Pa loupina a Avantilte toh hung ding ahi; chule chutengle aman mi athilbol dungjui cheh a asansah ding ahi.

Luke 12:40

“Nang ho phasademin umun; ijeh-inem itile nagel lou pettahu le Mihem Chapa chu hung ding ahi,” ati.

Thuphon 16:15

“Veuvin, keima gucha bangin kabunge. Koi hile kihong jinga sagoh a auma ajachat kiphon louna dinga aponsil kivetphat jinga chu anun nom ahi,” ati.

1 John 3:2

Ngaite ho, tun eiho Pathen chate ihiuve; chule ipi ihung bi dingu tun akiphongdoh hih laiye. Ama ahung kilah teng le eiho ama bang bang ibi dingu ahi, ti chu eihon iheuve; ajeh chu ama aum bang banga chu imu dingu ahi.

Solchahte 1:11

Miteni chun, “Galilee gam miho, ibola nadinuva van lam navet jinguham? Hiche Jesu nangho koma kona vana kilatou hi, vana akaltou namu bang banguva hi hung ding ahi,” ati lhone.

PATHEN THU CHU

**Ajeh chu thusoh ding chu mi-
hem lung chama konin asoh kha-
poi; miho chu Lhagao Thengin
asotlea Pathena kona amu chanu
aseijiu ahibouve. –2 Peter 1:21**

**Nathu hi kakeng din thaomei-
yin apangin, Kalampia khovah-
in apange. –Labu 119:105**

**Jesun adonbut'in, "Pathen lek-
habua thu le Pathen thahatna
nahetjoh sangu aum loujeh a
nakhel jiu ahi." –Matthew 22:29**

**"Van le lei mang ding ahin;
keima thu vang mang lou ding
ahi." –Luke 21:33**

**Kalungthima nathu kakhol
jingin, Nang douna kachonset
louna din kakoie. –Labu 119:11**

**Pathenin ahaikhum Pathen
lekhabua thu kisun chengse chu
kihilna a kipho na a kipuijangna
a, chonphat kisinsahna dinga
phatah ahi. –2 Timothy 3:16**

**"Keiman nang ho kapehsa thu-
peh hi gop jong nagopbe thei lou-
hel diu, lahdoh jong nabol thei
louhel dingu ahi; hitobanga hi
keiman nang ho kathupeh Pakai
na-Pathenu thupeh chengse chu
nanit thei diu bou ahiye."**

–Danbu Ni Na 4:2

Text has been reprinted from the Bible in Kuki by permission of the Bible Society of India.

For more information or to request a free Bible study, please write to:

WMP
India Bible Literature
67 Beracah Road
Kilpauk, Chennai 600 010